



Ragaalee namoonni du'an Guyyaa
Qiyaamaa kaafamuun akka
qorataman agarsiisan

Ibsa Suuratu Al-Mursalaat-Kutaa 2

Description

Kutaa darbe keessatti Qiyaamaan haqa akka taate ilaalle turre. Akkasumas, wantoota rifachisoo Guyyaa san adeemsifaman ilaalle jira. Harâ€™as itti fufuun ragaalee ifaa Guyyaan Qiyaamaa akka dhuftu agarsiisan ni ilaalla. Guyyaa Qiyaamaa jechuun Guyyaa namoonni duâ€™an hundi kaafamuun qoratamanii fi murtiin isaan jidduutti darbee takkaa gara Jannataa takkaa immoo gara Jahannam itti deemaniidha.

Namoonni Sababa kufrii fi badii gurguddaa biroo hojjataniin lafarraa xuruuramu

﴿أَلَمْ نُهَلِّكِ الْأَوَّلِينَ ﴿١٦﴾ ثُمَّ نُتْبِعُهُمُ الْآخِرِينَ ﴿١٧﴾ كَذَلِكَ نَفْعَلُ
بِالْمُجْرِمِينَ ﴿١٨﴾ وَيُلْ يَوْمَئِذٍ لِلْمُكَذِّبِينَ ﴿١٩﴾﴾

â€œ(16)-Sila Nuti warra duraani hin balleessinee? (17)-Ergasii warra boodaa isaan hordofsiifna. (18)-Akka kanatti yakkamtootatti hojjanna. (19)-Guyyaa san kijibsiiftotaaf ee badii isaanii!â€ Suuratu Al-Mursalaat 77:16-19

Arabiffa keessatti guddinnaa fi aangoo agarsiisuuf maq-dhaalaâ€œenutiâ€œjedhu fayyadamuun wanta baratamee fi beekkameedha. Kanaafu, keeyyattoota Qurâ€™aanaa keessatti Rabbiin â€œNutiâ€œjedhe yommuu fayyadamu, Guddinnaa fi Aangoo Isaa agarsiisuufi. Asitti â€œNutiâ€œbaayâ€™inna hin agarsiisu. Rabbiin oltaâ€™e Tokkicha waan taâ€™eeef.

â€œSila Nuti warra duraani hin balleessinee?â€ Wanta Seera Jazaal Rabbi agarsiisu keessaa tokko Rabbiin azza wa jalla yakkamtoota duraanii ergamtoota Gooftaa isaanii fi Guyyaaa Murtii kijibsiisan balleessudha. Yakkamtoota kanniin keessaa ummata Nuuh, ummatoota Samuudi fi Aad ni eeramu.

Rabbiin yakkamtoota duraanii balleessun seenaa beekkamaadha. Hafteen isaanii gariin ni mulâ€™ata. Gooftaan hakiim (ogeessa), rahiim taâ€™e isaan hin balleessu sababa badii gurguddaa isaan keessa turaniif malee. Kanaafu, badii hojjachuu yoo itti fufan, ogummaa irraa yakkamtoota kanniin balleessun dachii qulqulleessudha. Rabbiin arraba ergamtootatin balleessaa guutuu akka isaan balleessu akeekachiise jira. Garuu isaan akeekachisa Rabbii akka salphaatti ilaalan. Wanta Rabbiin itti ajajee fi irraa dhoowwetti xiyyefannoo itti hin kennine. Dachii keessatti badii ni baayâ€™isan. Kanaafu, Gooftaan isaanii isaan balleesse.

Yakkamtooni darban sababa badii isaanitiin akka lafarraa xuruuraman mirkaneessuuf haala gaafitiin dhufe: â€œ**Sila Nuti warra duraani hin balleessinee?**â€ Seenaan yakkamtoota darbanii lafarraa xuruuraman beekkamaa fi hafteen isaanii iddo adda addaatti kan mulâ€™atu waan taâ€™eef, namni gaafi kanaaf, â€œEenyen, Rabbiin isaan balleesse jiraâ€ jechuun mirkaneessa.

â€œ**Ergasii warra boodaa isaan hordofsiifna.**â€ Yeroo dheeraa booda yakkamtooni biroo yakkamtoota jalqabaatin wal fakkaatan yommuu argaman, balleessaa guutuu isaan balleessina.[\[1\]](#) Jecha biraatin, akkuma yakkamtoota darban sababa kufrii fi badii isaanitiif balleessine, yakkamtoota isaan booda dhufanii akkuma isaanii kafaranii fi badii hojjatanis ni balleessina.

Rabbiin subhaanahu wa taâ€™aalaa ummata Nuuh, ummatoota Aadi fi samuud sababa kufrii fi badii isaanitiin isaan balleesse jira. Ummatoota isaan booda dhufaniis kanneen akka ummata Luux, Madiyan, Firaâ€™awna fi ummata isaa akkuma yakkamtoota durii badii waan hojjataniif ni balleesse. Kuni seeraa Rabbii hin jijjiramneedha. Rabbiin subhaanahu yakkamtoota yeroo kennaaf. Garuu akkanumatti osoo hin qabinii fi hin adabin hin dhiisu. Kanaafi itti aanse ni jedha: â€œ**Akka kanatti yakkamtootatti hojjanna.**â€ Kana jechuun akkuma yakkamtoota darban kanniin sababa kufrii fi kijibsiisuu isaanitiif balleessine, akkuma kana seerri Kiyya ummatoota kaafira isaan fakkaatan keessatti hojji irra oola. Kanaafu, yakkamtoota sababa yakka isaanitiif yommuu daangaa darban isaan balleessina.[\[2\]](#)

â€œ**Guyyaa san kijibsiiftotaaf ee badii isaanii!**â€ Keeyyattoota, ragaalee, mallattoolee ifaa fi adabbii fakkeenya erga arganii booda warra Guyyaa Qiyaamaa kijibsiisaniif ee badii isaanii![\[3\]](#)

Ragaalee Kaafamuun Haqa taâ€™uu agarsiisan keessaa

﴿أَلَمْ نَخْلُقْكُمْ مِّنْ مَّاءٍ مَّهِينٍ ﴿٢٠﴾ فَجَعَلْنَاهُ فِي قَرَارٍ مَّكِينٍ ﴿٢١﴾ إِلَى قَدْرٍ مَّعْلُومٍ ﴿٢٢﴾ فَقَدَرْنَا فَنِعْمَ الْقَدِيرُونَ ﴿٢٣﴾ وَيُلْ يَوْمَيْذِ لِلْمُكَذِّبِينَ ﴿٢٤﴾﴾

â€œ**(20)-Sila Nuti bishaan dadhabaa irraa isin hin uumnee? (21)-Idoo qubanna tasgabbaâ€™a taâ€™e keessas isa goone.(22)-Hanga yeroo beekkamaatti. (23)-Ni safarres, Nuti safartoota [hunda caalaa] akkaan tolle. (24)-Guyyaa san kijibsiiftotaaf ee badii isaanii!**â€ Suuratu Al-Mursalaat 77:20-24

â€œ**Sila Nuti bishaan dadhabaa irraa isin hin uumnee?**â€ Aayah keessatti, **mahiin** jechuun xiqqa, dadhabaa, tuffatamaa jechuudha. â€œemaaâ€™aâ€ jechuun immoo bishaani. Bishaan dadhabaan, xiqqaan, tufatamaan kuni dhangalaâ€™aa saalati. Yaa namoota! Duâ€™aan booda Guyyaa Qiyaamaa kaafamu yoo shakkitan, sila Nuti dhangalaâ€™a saalaa dadhabaa, xiqqa fi tufatamaa taâ€™e irraa isin hin uumnee? Bishaan dadhabaa, xiqqa fi tufatamaa kanarraa Kan isin uumee, akkamitti lamuu isin deebisee uumuu dadhabaa? Akkuma isinu beektan, jalqaba irratti uumuu kan dandaâ€™e lamuu deebisuun isa hin dhibu. Inumaa lamu deebisuun Isaaf salphaadha. Rabbiin subhaanahu wa taâ€™aalaa ni jedha:

﴿وَهُوَ الَّذِي يَبْدُوا أَخْلَقَ ثُمَّ يُعِيدُهُ وَهُوَ أَهُونُ عَلَيْهِ﴾

â€œInni uuminsa Kan jalqabu, ergasii deebisuudha. Suni (deebisuun) Isa irratti baayâ€™ee salphaadha.â€ Suuratu Ar-Ruum 30:27

Uumamtoota uumuu Kan jalqabu Rabbiin qofa. Isaan ala eenyullee uumamtoota uumuu hin dandaâ€™u. Akkuma jalqaba irratti isaan uume, yommuu duâ€™an Kan deebisu Rabbuma. Erga duâ€™anii booda uumamtoota deebisuun ykn kaasun Isarratti baayâ€™ee salphaadha. Kanaafu, Qiyaamaa hin shakkinaa.

â€œ**Iddoo qubannaa tasgabbaâ€™a taâ€™e keessas isa goone**â€ Kana jechuun dhangalaâ€™aa saalaa kana gadaamessa haadhaa keessa goone. Gadaamessi haadhaa iddo qubannaa guddinnaa fi dagaaginna bishaan saalaa kanaaf mijaaâ€™aa fi tasgabbaâ€™a taâ€™eedha. Achi keessatti maxxanuun hanga nama guutuu taâ€™e bahuu guddachu itti fufa. Bakka kana (gadaameessa) Kan mijeesse fi achi keessatti dhangalaâ€™aa kana Kan qubsiiye Rabbii oltaâ€™aadha. â€œ**Hanga yeroo beekkamaatti.**â€ Hamma yeroo beekkamaa fi murtaaâ€™atti dhangalaâ€™aan saalaa kuni gadaamessa keessatti hanga nama guutuu taâ€™u guddachuu fi dagaagu itti fufa. Ergasii ni dhalata.

â€œ**Ni safarres**â€ Kana jechuun Uuminsa ulfaa (daaâ€™imaa) keessatti safara fi hamma wanta hundaa murteessinee fi daangaa goonefi jirra. [4] Fakkeenyaf hanga, dheerinna, bocaa fi amala kutaalee qaama hunda safaruu fi murteessu.

â€œ**Nuti safartoota [hunda caalaa] akkaan tolle.**â€ Eenyullee akka Rabbiin safaruu fi murteessutti safaruu fi murteessu hin dandaâ€™u. Kanaafu, warroota waa safaranii fi murteessan caalaa wantoota hundaa dogongora tokko malee kan safaruu fi murteessu Rabbii oltaâ€™aaf faarun hundi haa taâ€™u.

Copha bishaanii irraa ilma namaa kana kan akkanatti uume duâ€™aan booda deebisuun Isatti ulfaataa? Rabbiin dadhabbinna irraa oltaâ€™e qulqullaaâ€™e. Rabbiin namoota duâ€™an akka deebisuu dandaâ€™u ragaan ifaa fi shakkii hin qabne erga dhiyaate booda, nama Qiyaamatti hin amanneef akeekachisni taâ€™uu, â€œ**Guyyaa san kijibsiiftotaaf ee badii isaanii!**â€

Qiyaamaan haqaa hin kijibsiisin, ni baddaati

Yaa nama Guyyaa Qiyaamatti hin amanne! Mee wanta irraa uumamte ilaali. Dhangalaâ€™aa saalaa dadhabaa, xiqqa fi tuffatamaa irraa uumamte. Dhangalaâ€™aan saalaa kuni dadhabaa fedhii, beekumsaa fi dandeetti waan hin qabneef ofiin of uumuu hin dandaâ€™u. Kanaafu, dhangalaâ€™aa kanarraa kan si

uumee Rabbii oltaâ€™aa waan hundaa irratti dandaâ€™aa taâ€™eedha. Jalqaba irratti dhangalaâ€™aa kanarraa si uumuu Kan dandaâ€™e, erga duutee biyyee taates lamuu si uumuu irratti dandaâ€™aadha. Sababni isaas, jalqabarratti wanta tokko hojjachuu kan dandaâ€™e, lamuu wanta san hojjachuun itti hin ulfaatu. Kanaafu, ragaa ifaa kana booda Qiyaamaa hin kijibsiisni ni baddaati. â€œGuyyaa san kijibsiiftotaaf ee badii isaanii!â€ Qurâ€™aana keessatti Rabbiin subhaanahu wa taâ€™aalaa ni jedha:

﴿إِنَّ السَّاعَةَ إِذَا كُلَّ نَفْسٍ بِمَا تَسْعَىٰ﴾
15

﴿فَلَا يَصُدَّنَكَ عَنْهَا مَنْ لَا يُؤْمِنُ بِهَا وَاتَّبَعَ هَوَانَهُ فَتَرَدَىٰ﴾
16

â€œDhugumatti Qiyaamaan dhuftuudha. Ishii dhoksuutti dhiyaadha. Akka lubbuun hundi wanta hojjatteen jazaa argattuuf, [Qiyaamaan ni dhufti]. Kanaafu, namni ishiitti hin amannee fi fedhii lubbuu isaa hordofe ishii irraa si hin garagalchin, ni baddaati.â€ Suuratu Xaahaa 20:15-16

â€œDhugumatti Qiyaamaan dhuftuudhaâ€ Kana jechuun Yeroon namoonni duâ€™an jirenyaa lammataatif itti kaafaman ni dhufti, shakkii hin qabu. Sababni isaas, karoora uuminsaa keessaa tokko waan taateef. Karoorri jalqabaa addunyaa tana keessatti namoota qormaatu yoo taâ€™u, karoorri kunis raawwatamaa jira. Karoorri lammataa immoo qorannoo, murtii dabarsuu fi jazaadha. Kuni immoo jirenyi addunyaa tanaa erga xumurame booda Guyyaa Qiyaamaa raawwatama. Kanaafu, Qiyaamaan dhufuu dirqama.

â€œIshii dhoksuutti dhiyaadha.â€ Of irraayyu dhoksuutti dhiyaadha. Akkamitti akka isin beektan taasisaa? Kanaafu, Ana malee yeroo Qiyaamaan itti dhuftu kan beeku hin jiru.[\[5\]](#) Akka aadaa Arabootaatti yommuu wanta tokko garmalee dhoksan ni jedhu, â€œOf irraayyu dhokse.â€ Kana jechuun wanta dhokse kana eenyuttillee hin beeksisu.[\[6\]](#)

Yeroo Qiyaamaan itti dhaabbattu Rabbiin malee kan beeku hin jiru. Faaydan akkanatti ishii dhoksuu keessa jiru, akeekachisuu fi namoonni hojii gaggaarii hojjachuun akka of qopheessanii fi of eeggataniifi. Namni yoom diinni isatti akka dhufu yoo hin beekne, garmalee of eeggata.[\[7\]](#)

â€œAkka lubbuun hundi wanta hojjatteen jazaa argattuuf, [Qiyaamaan ni dhufti].â€ Jazaa jechuun gaaris taâ€™ee badaa irraa wanta hojii saniif maluun deebisuudha. Jazaan kuni mindaa fi adabbii of keessatti qabata. Namni waan gaarii hojjate mindaa gaarii akka argattuuf, namni waan badaa hojjate adabbii isaaaf maluu akka adabamuuf Qiyaamaan ni dhaabbatti. â€œKanaafu, namni ishiitti hin amannee fi fedhii lubbuu isaa hordofe ishii irraa si hin garagalchin,â€ Kana jechuun namni Qiyaamatti hin amannee fi fedhii lubbuu isaa hordofu, Qiyaamatti amanuu fi Jannata qananii keessatti mindaa guddaa Guyyaa san argataniif hojjachuun irraa si hin garagalchin, si hin koâ€™oomsin. Namni Qiyaamatti hin amanne, shakkii fi shakkisuuf carraaqaa. Namni kuni fedhii lubbuu kan hordofu yommuu taâ€™u, fedhiin isaa hundi faaya fi miidhaginna addunyaatti tan rarraatedha. Tarii fedhii lubbuu hordofuu isatu argituu beekumsaa balleesse. Kanaafu, Qiyaamaa fi jazaaf kaafamutti ni kafare. â€œni baddaati.â€ Kana jechuun karaa nama Qiyaamatti hin amannee fi fedhii lubbuu hordofu duuka buâ€™uun Qiyaamatti amanuu yoo didde fi ishiif hojjachuun irraa yoo garagalte, ni badda. Qilee badiitti

kuftee dallansuu fi adabbiin Rabbii sitti buâ€™a[8]

Kitaabban wabii:

- [1] Maâ€™aariju Tafakkuri wa daqaaâ€™iqu tadabburi-2/573
- [2] Tafsiiru Xabarii-23/594
- [3] Tafsiiru Saâ€™dii-1067,
- [4] Maâ€™aariju Tafakkuri wa daqaaâ€™iqu tadabburi -2/577
- [5] Tafsiiru Xabarii,16/35 Tafsiir ibn Kasiir-5/274, Zaadul Masiir-fuula 901
- [6] Zaadul Masiir-fuula 901, ibn Al-Jawzi
- [7] Madda olii
- [8] Maâ€™aariju Tafakkuri wa daqaaâ€™iqu tadabburi-8/57-58, Tafsiiru Saâ€™dii-586

Date Created

December 6, 2019

Author

admin